



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ՊԵՏԱԿԱՆ ԵԿԱՄՈՒՏՆԵՐԻ ԿՈՄԻՏԵ

«08» Նոյեմբերի 2021թ.

No 111-4/56157-2021

«ԷՆԵՐԳԱՑԱՆՑՇԻՆ» ԲԱՑ ԲԱԺՆԵՏԻՐԱԿԱՆ ԸՆԿԵՐՈՒԹՅՈՒՆ
(ՀՎՀՀ 00015729) ՏՆՕՐԵՆ ԿԱՐԵՆ ՄԻՔԱՅԵԼՅԱՆԻՆ
ՀԱՍՑԵ՝ ԿՈՏԱՅՔԻ ՄԱՐԶ, Ք. ՀՐԱԶԴԱՆ, ՇԱՀՈՒՄՅԱՆ Փ. 340/1
ՓՈՍՏԱՅԻՆ ԴԱՍԻՉԸ՝ 2309
Էլ. հասցե՝ anush.aghadjanyan@mail.ru
/ԼԻԱԶՈՐՎԱԾ ԱՆՁ ՍԼԱՎԻԿ ԱԶԱՏՅԱՆ/

Հարգելի պարոն Միքայելյան

Տեղեկացնում ենք, որ 26.11.2020թ. ՀՀ պետական եկամուտների կոմիտեի և «ԷՆԵՐԳԱՑԱՆՑՇԻՆ» ԲԲ ընկերության (ՀՎՀՀ 00015729, պետ. գրանցման համար՝ 264.140.00371) միջև կնքվել է պարտավորությունների աստիճանական մարման ժամանակացույց՝ 5.123.484 դրամի չափով, 9 ամիս ժամկետով: Ի ապահովումն «ԷՆԵՐԳԱՑԱՆՑՇԻՆ» ԲԲ ընկերության ժամանակացույցով նախատեսված պարտավորությունների կատարման՝ ՀՀ պետական եկամուտների կոմիտեի, «ԷՆԵՐԳԱՑԱՆՑՇԻՆ» ԲԲ ընկերության (ՀՎՀՀ 00015729) միջև 24.11.2020թ. կնքվել է շարժական գույքի գրավի պայմանագիր, համաձայն որի գրավադրվել է 7.100.000 դրամ շուկայական արժեքով շարժական գույք:

Ընկերության կողմից ժամանակացույցի 5-րդ կետով սահմանված պահանջները՝ այն է «Ընկերությունը պարտավորվում է նաև ՀՀ օրենսդրությամբ սահմանված ժամկետներում և կարգով կատարել 05.11.2020թ. հետո առաջացող հարկային պարտավորությունները» չի կատարվել և ժամանակացույցը խախտվել է, մասնավորապես.

Համաձայն ՀՀ հարկային օրենսգրքի 325-րդ հոդվածի 5-րդ մասի՝ միասնական հաշվում առկա գումարների հաշվին առաջնահերթ մարվում են արտոնագրային հարկի,



ՀՀ ՊԵՏԱԿԱՆ
ԵԿԱՄՈՒՏՆԵՐԻ
ԿՈՄԻՏԵ

0015, Երևան, Մ. Խոթենացու 3,7 Հեռ. +374 60 54 46 57
Կայք՝ www.petekamutner.am Էլ. փոստ՝ secretariat@petekamutner.am

սոցիալական վճարի, Օրենսգրքի 416-րդ հոդվածի 8-րդ մասով սահմանված՝ հարկ վճարողի գործունեության կասեցման փոխարեն հաշվարկված տուգանքի հարկային պարտավորությունները՝ նշված հերթականությամբ: Սույն մասում նշված հարկային պարտավորությունները մարվում են՝ անկախ հարկ վճարողի այլ հարկային պարտավորությունների առկայությունից և դրանց առաջացման ժամկետներից, իսկ 6-րդ մասի համաձայն նույն հոդվածի 5-րդ մասում նշված հարկային պարտավորությունների բացակայության կամ դրանք մարվելուց հետո հարկ վճարողի այլ հարկային պարտավորությունները մարվում են ըստ ավելի վաղ առաջացած հարկային պարտավորության հերթականության: Ընդ որում, այլ հարկային պարտավորությունների գումարներից սկզբում մարվում են բոլոր հարկերի, վճարների գումարները, այնուհետև՝ տույժերի, որից հետո տուգանքների, վնասի հատուցման գումարները, իսկ հարկերի մարումները կատարելիս առաջնահերթորեն մարվում են նույն օրը ներկայացված հարկային հաշվարկներով ձևավորված այն հարկերի գծով պարտավորությունները, որոնց կատարման՝ Օրենսգրքով սահմանված վերջնաժամկետն ավելի շուտ է լրանում: Վերոնշյալ հոդվածի վերլուծությունից հետևում է, որ «ԷՆԵՐԳԱՑԱՆՑՇԻՆ» ԲԲ ընկերության կողմից կատարված վճարումները ուղղվել են հարկի գումարի մարմանը, ինչի արդյունքում էլ 02.09.2021 թվականի դրությամբ գանձման ենթակա գումարները կազմում են ընդհանուր 633.957 դրամ, այդ թվում /եկամտային հարկի տույժ՝ 67.632 դրամ, բնապահպանական հարկ և բնօգտագործման վճարի տույժ՝ 82 դրամ, պետական տուրք՝ 412.243 դրամ, որից ապառք՝ 399.654 դրամ, տույժ՝ 12.589 դրամ, դրոշմանիշային վճար՝ 154.000 դրամ/, որոնք ներառված են 26.11.2020 թվականին կնքված հարկային պարտավորությունների աստիճանական մարման ժամանակացույցում:

ՀՀ հարկային օրենսգրքի 437-րդ հոդվածի 12.1-ին մասի համաձայն՝ հարկ վճարողի կողմից պարտավորությունների աստիճանական մարման ժամանակացույցով սահմանված ժամկետում գրավով ապահովված հարկային պարտավորությունների կատարման խախտման դեպքում հարկային մարմինը խախտման օրվանից հետո՝ 10 աշխատանքային օրվա ընթացքում, հարկ վճարողին և գրավատուին ներկայացնում է գրավոր պահանջ՝ գրավով ապահովված հարկային պարտավորությունների կատարման համար:



Նույն օրենսգրքի 437-րդ հոդվածի 12.2-րդ մասի համաձայն՝ հարկ վճարողի կողմից գրավով ապահովված՝ չկատարված հարկային պարտավորությունները ենթակա են կատարման այդպիսի պահանջը հարկային մարմնից ստանալուց հետո՝ երեք աշխատանքային օրվա ընթացքում:

Միաժամանակ տեղեկացնում ենք, որ նույն օրենսգրքի 437-րդ հոդվածի 13-րդ կետի համաձայն՝ հարկ վճարողի կողմից սույն հոդվածի 12.2-րդ մասում նշված ժամկետում իր պարտավորությունների չկատարման կամ մասնակի կատարման դեպքում հարկային մարմնի այդ պահանջը սահմանող փաստաթուղթը համարվում է անբողոքարկելի վարչական ակտ, որից հետո հարկային մարմինը գրավի պայմանագիր կնքած անձի նկատմամբ կարող է կիրառել անբողոքարկելի վարչական ակտերի համար Օրենսգրքով նախատեսված հարկային պարտավորությունների հարկադիր կատարման ընթացակարգերը:

Վերոգրյալը հաշվի առնելով, սույնով առաջարկում ենք Ձեզ կատարել 26.11.2020թ. կնքված ժամանակացույցով նախատեսված վճարումները՝ 633.957 դրամի չափով:

ՀԱՐԳԱՆՔՈՎ

 Invalid signature



ԱՐՄԱՆ ՄՆԱՅԱԿԱՆՅԱՆ

ԻՐԱՎԱԲԱՆԱԿԱՆ

Signed by: MNATSAKANYAN ARMAN 2012760074

ՎԱՐՉՈՒԹՅԱՆ ՊԵՏ

ԱՐՄԱՆ ՄՆԱՅԱԿԱՆՅԱՆ

Կատարող՝ ՀՀ ՊԵԿ իրավաբանական վարչության
հարկադիր գանձման և պարտավորությունների
կատարման ապահովման բաժին,
գլխավոր մասնագետ Հրաչ Մուրադյան
հեռ.011 549191 /91-87/



ՉՉ ՊԵՏԱԿԱՆ
ԵԿԱՄՈՒՏՆԵՐԻ
ԿՈՄԻՏԵ

0015, Երևան, Մ. Խորենացու 3,7 Հեռ. +374 60 54 46 57
Կայք՝ www.petekamutner.am Էլ. փոստ՝ secretariat@petekamutner.am